

Dilecto et fidelibus suis suprajunctario, juratis, baiulo, merino Osce, ceterisque officialibus nostris tam alcadiis quam aliis ad quos presentes peruenerint, etc. Exposuit coram nobis Salema de Rey, Sarracenus çauaquem Sarraceni Osce, quia uos seu aliqui uestrum in prejudicium et diminuicionem juris officii sui predicti et contra usum actenus obseruatum introuenitis uos de nouo audire causas seu querelas que proponuntur coram uobis contra Sarracenos seu Sarracenas Osce et aliorum locorum a Gallego usque Alcanadre constitutorum, ad que se extendit comissio sibi facta per dominam reginam consortem nostram Blancham de officio supradicto cognoscat et iudicat de eisdem quasque ipse çauaquem et predecessores sui in dicto officio consueuerunt audire et de ipsis cognoscere usque ad hoc tempore inconcusse. Quare ad instanciam et supplicationem dicti çauaquem uobis dicimus et mandamus quatenus de querelis et causis ad officium dicti çauaquenatus spectantibus, audiendis, et decidendis, uos decetero contra usum et consueitudinem obseruatam huc usque intromittere non curetis, set ipsas per eundem çauaquem audiri et terminari finatis prout est fieri assuetum. Datum Osce III^o idus junii anno predicto.